

50

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na sjednici Predstavničkog doma održanoj 8. juna 1999. godine i na sjednici Doma naroda održanoj 9. juna 1999. godine, usvojila je

ZAKON

O IZMJENI ZAKONA O PUTNIM ISPRAVAMA BOSNE I HERCEGOVINE

Član 1.

U Zakonu o putnim ispravama Bosne i Hercegovine ("Službeni glasnik BiH", br. 4/97 i 1/99), u članu 30. riječi: "do 30. juna 1999. godine" zamjenjuju se riječima: "do 30. septembra 1999. godine."

Član 2.

Ovaj zakon stupa na snagu danom objavljivanja u "Službenom glasniku BiH", a objavit će se i u službenim glasilima entiteta.

PS BiH broj 11/99

9. juna 1999. godine

Sarajevo

Predsjedavajući

Doma naroda

Parlamentarne skupštine BiH
mr **Vladimir Šoljić**, s. r.

Predsjedavajući

Predstavničkog doma

Parlamentarne skupštine BiH
dr **Halid Genjac**, s. r.

51

Na osnovu člana 216. st. 1. i 2. Zakona o carinskoj politici Bosne i Hercegovine ("Službeni glasnik BiH", broj 21/98), Vijeće ministara Bosne i Hercegovine uz saglasnost sa Entitetima na 9. sjednici održanoj 27. maja 1999. godine, donijelo je

ODLUKU

O REGULISANJU SASTAVA, RADU I OVLAŠTENJIMA KOMISIJE ZA PROVOĐENJE CARINSKE POLITIKE

I

Ovom odlukom se reguliše sastav, rad i ovlaštenja Komisije za provođenje carinske politike (u daljem tekstu: Komisija).

II

1. Komisija se sastoji od 9 članova: dva iz Federacije Bosne i Hercegovine, dva iz Republike Srpske i pet iz Sektora za carinsku politiku i tarife Ministarstva vanjske trgovine i ekonomskih odnosa (u daljem tekstu: Ministarstvo).
2. Članove Komisije iz Entiteta imenuju Vlade Entiteta.
3. Članovi Komisije iz Ministarstva su: pomoćnik ministra za carinsku politiku i tarife-predsjedavajući Komisije, rukovodilac odjeljenja za carinsku politiku i rukovodilac odjeljenja za tarife i dva člana koje imenuje ministar.
4. Komisija može pozivati stručnjake za pojedina pitanja da učestvuju u radu Komisije.
5. Komisija donosi poslovnik o svom radu.
6. Sastav Komisije potvrđuje Vijeće ministara.

III

Ovlaštenja Komisije su:

1. Davanje mišljenja na prijedloge propisa koji su potrebni za provedbu Zakona o carinskoj politici Bosne i Hercegovine (u daljem tekstu: Zakon) koje donosi Vijeće ministara;
2. Usaglašavanje propisa za provođenje Zakona koje saglasno članu 2. Zakona donose Entiteti;
3. Razmatranje svih pitanja u vezi sa carinskom legislativom koju na dnevni red stavi predsjedavajući, na inicijativu ili na zahtjev predstavnika Entiteta.

IV

Propisi koji su potrebni za provođenje Zakona usvajaju se po slijedećoj proceduri ("procedura Komisije"):

1. Ministarstvo vanjske trgovine i ekonomskih odnosa dostavlja Komisiji prijedlog propisa koje treba donijeti;
2. Komisija će dati svoje mišljenje na dostavljeni prijedlog propisa u okviru vremenskog roka koji će odrediti predsjedavajući Komisije u zavisnosti od hitnosti pitanja koje treba razmotriti;
3. Komisija će donositi mišljenje jednoglasno. Ukoliko se ne može donijeti jednoglasno mišljenje, u tom slučaju se navode različita mišljenja pojedinih članova Komisije;
4. Ministarstvo vanjske trgovine i ekonomskih odnosa dostav-